

四庫全書

史部

# 欽定四庫全書

史部

萬壽盛典初集卷十七至

詳校官宗人府丞臣寶光鼎

編修臣程嘉謨覆勘

總校官知縣臣楊懋珩

校對官編修臣沈清濂

謄錄監生臣王爾熙

欽定四庫全書

萬壽盛典初集卷七

聖德三

保泰

康熙五十一年十月十九日己巳

上以禮臣疏請會議

六旬萬壽應行典禮

特頒諭旨宣示中外臣民共體孜孜惕厲至意勉盡職  
業永保昇平其慶祝虛文槩不准行

七月十一日禮部尚書臣赫碩色等謹

題為請

旨事康熙五十二年恭遇

皇上六旬大慶臣等欽惟我

皇上撫綏寰宇五十餘年仁澤廣布聲教覃敷四方萬  
國咸樂昇平無不優游於堯天舜日之下是以

上天垂祐景福駢臻

萬壽無疆福德兼隆誠亘古所未有也今中外臣民霑

沐

深恩淪肌浹髓感戴

大德刻骨鏤心明歲恭遇

聖主六旬大慶莫不欲各罄葵忱其尊親頌祝之至願

萬不能已臣等職司禮曹凡應行典禮自應預

擬奉

聞但此非常之慶普天率土莫大鴻庥非尋常典禮可

比臣等未敢輕擬應請會同大學士九卿詹事

科道詳議具題可也

臣

等未敢擅便謹

題請

旨十月十九日奉

旨朕御極以來惟欲萬國乂安上則敬

天法

祖下則垂令名於後世孜孜然以致鬚髮盡白心血耗散  
歷盡憂勤蕩平險阻自古帝王在位不久享年不遐  
者論者往往歸於別故而未諒帝王實不勝其難實

不堪其勞憂懼所迫以致短祚也朕反覆思維帝弄  
固辭華封之祝必似朕臨莅年久之君方能知聖人  
言之有實也餘則斷不能知矣朕本涼德惟賴

祖

考得國之正積福之深在位五十餘年壽屆六十今憂勞  
倍增血氣漸憊惟恐愈久而力不支願不遂以至不  
全終始一世勤瘁俱屬徒然朕惟惕厲而已竝未留  
心祈求甲子之周也覽禮部請旨之奏悉係虛文無

有實際朕惟願臣清子孝兄友弟愛人人皆讀正書  
勉盡職業國安民治盜賊寧息各以血誠實意為朕  
六袞慶祝朕即嘉納此外儀文朕無所嗜亦無所好  
這所奏不准行

康熙五十二年三月初二日巳卯

上以直省臣民耆老雲集京師建立經壇綵棚慶祝  
聖壽者不計其數

特頒諭旨宣示中外凡有祝延者必求雨暘時若萬邦



咸寧仰副夙夜匪懈不自滿假至意

上諭王貝勒大臣九卿詹事科道曰朕昨進京見各處  
為朕六十壽慶賀保安祈福祝延者不計其數朕實  
涼德自覺愧汗從來帝王之治天下固不以民生為  
念若為一己之私即不能擴而充之矣朕若先知必  
令止之今已成矣難毀衆志夜來思之達旦朕所以  
為天下萬國蒼生之主者萬姓安即朕之安天下福  
即朕之福若能祈禱雨暘時若家給人足則朕安寢

飽食可以却病延年此朕之求福非有妄想也傳之  
各處凡有祝延者必求雨暘時若萬邦咸寧為先朕  
已老矣有若無實若虛夙夜匪懈履薄臨深之念與  
日俱增豈敢自有滿假乎

三月初四日和碩顯親王

臣

衍潢等謹

題為恭聆

聖訓臣庶歡騰事康熙五十二年三月初二日

上諭諭王貝勒大臣九卿詹事科道朕昨進京見各處

爲朕六十壽慶賀保安祈福祝延者不計其數朕實  
涼德自覺愧汗從來帝王之治天下罔不以民生為  
念若為一己之私即不能擴而充之矣朕若先知必  
令止之今已成矣難毀衆志夜來思之達旦朕所以  
爲天下萬國蒼生之主者萬姓安即朕之安天下福  
即朕之福若能祈禱雨暘時若家給人足則朕安寢  
飽食可以却病延年此朕之求福非有妄想也傳之  
各處凡有祝延者必求雨暘時若萬邦咸寧為先朕

已老矣有若無實若虛夙夜匪懈履薄臨深之念與  
日俱增豈敢自有滿假乎欽此臣等跪聽之下不勝  
歡忭悅服欽惟我

皇上仁竝覆幬恩深雨露四海萬國各遂生成優悠於  
堯天舜日之下中外臣民感佩

聖恩刻骨鏤心匪朝伊夕茲遇

皇土六旬大慶各抒誠悃虔祝

萬壽無疆者此不過少申愛戴之微忱至各省紳衿士

庶以及耆老雲集京師叩祝

聖壽不可計數亦皆發於至情不能自己總由

深仁厚澤浹髓淪肌是以鼓舞歡欣趨蹌恐後我

皇上秉德謙沖虛懷若谷

聖不自聖安愈求安

特頒

聖旨曉諭臣工

天語煌煌意旨深遠總之念念敬

天刻刻勤民不尚一己之安逸期致萬國之咸寧雖古帝

王典謨訓誥不能及也蓋

皇上此心即是

天心佇見

天眷我

皇雨暘時若年穀豐稔家給人足萬邦安寧

聖壽與

天同久

景福如日方升普天率土永享昇平於無既矣臣等無

任歡躍之至為此謹

題初六日奉

旨知道了

十月初九日癸未

萬壽科

殿試天下貢士

欽定策題詢以儆戒無虞制治保邦之道

是歲

特開恩科

臨軒策士閣臣以策問請

上欽定制策首以儆戒無虞制治保邦爲詢有曰朕自  
御極以來翼翼兢兢五十餘年如一日至於大小臣  
工無時不以國爾忘家以人事君之義相爲告戒焉  
邊疆雖靖尤加意於武備之修凡以立國之道德威  
不可偏廢古帝王所以深根固本杜漸防微是朕之



所夙夜而不敢康者也書曰儆戒無虞又曰制治未  
亂保邦未危今國家承平日久文恬武嬉朕惟唐虞  
成周之隆君臣所以動色咨警者豈過慮歟無亦察  
於天命人心之理而無荒無怠期以長凝上天之眷  
而永底蒸民之生也其何以使中外臣僚悉喻朕意

歟

全載第三十三  
卷開科條中

臣等伏讀前後

詔旨仰見我

皇上憂盛危明保邦制治之心抑何有加而無已也

皇上躬承鴻業手致太平自南定三孽北掃朔漠以來  
內修政事而安民察吏措置極其周詳外盡懷  
柔而奮武揆文德威無不宣播因之天不愛道  
而風雨以時地不愛寶而嘉祥屢見海外賓服  
域中晏如措天下於磐石之安致社稷若苞桑  
之固世運之泰至此極矣

皇上處豐亨豫大之世存朝乾夕惕之心事事切於誠

民時時期於阜物上謐天命下顧民若夙夜孜  
孜不遑暇逸今恭逢

萬壽天下臣民雲集都城共申慶祝正與民同樂之時  
也乃

聖心靡寧

諭旨諄切一則曰惟願臣清子孝兄友弟愛讀正書勉  
職業國安民治盜賊寧息再則曰萬姓安即朕  
之安天下福即朕之福履薄臨深之念與日俱

增至於

臨軒策士又三致意焉大哉

王言雖謨典所載未有若是之深切著明者然而

皇上之憂勤惕厲非自今日始也前此康熙十年十月  
上謂講官熊賜履等曰人主勢位崇高何求不得但須  
有一段敬畏之意自不至於差錯即有差錯尚可省  
改若任意率行漫不加謹鮮有不失之縱佚者朕每  
念及此未嘗一刻敢暇逸也

皇上之不恃崇高而心存敬畏未嘗稍自暇逸也如此

康熙二十八年夏旱

皇上深宮齋戒

聖容清減旣而各省得雨羣臣以勞瘁過甚請

臨幸暢春園頤養

聖躬

上曰朕可與他人比耶先人而憂後人而樂理固宜然  
今近省固已得雨北邊蒙古盛京烏喇寧古塔諸處

更切於懷因此憂勞以致癯弱人或可欺天亦可欺  
耶倘荷天之澤皆得霑澍朕自出行也康熙三十四

年六月霖雨連綿

上曰雨太多慮傷禾稼朕思天時與人事恒相感召未  
可謂災沴為天時適然之數全不關於人事也明日  
傳九卿詹事科道集議政事有宜興宜革者令各抒  
所見奏聞時廷臣以時方盛暑乞少紓

聖慮

上復曰堯舜之時猶有都兪吁咈蓋已治而益求其治  
已安而益求其安吉之聖人兢兢業業始終如一朕  
朝夕以此警惕於衷三十餘年以來未嘗一日少自  
寬假亦有請間日理事者朕不以為然惟存恒久之  
心時時乾惕耳朕思地方間有荒歉正可動人警戒  
之心古人所謂遇災而知懼也夫水旱災荒時所恒  
有

皇上不以為偶然之事而恐懼修省也如此康熙四十

五年三月

上以三冬少雪入春不雨

諭大學士九卿等曰朕總理幾務甚久年歲日益乾惕  
滋深自去冬無雪及今春深尚未得雨地氣熯燥不  
和又雲色多細縷狀此非僅無雨且恐別有變異與  
其有變而後講求不如君臣於未事之先將政事得  
失任為己責竭誠摠忠詳加計議之為當也但數語  
頌揚虛辭省改未可即以塞責夫民為邦本食為民



命朕自東作以至收穫廩念靡寧迨秋成以後歲果  
豐登然後此心少釋若有歉收之處即別為籌畫爾  
等俱係大臣或司言職事有關失各宜直陳

皇上未事綢繆而念切民依也又如此總之

皇上不狃一時之安而必欲貽萬世以安不尚一己之  
逸而必欲予天下以逸不恃一事之得而必欲  
事事之皆得故持盈保泰有頃刻無間於中者  
夫自古所稱邳隆之世莫如堯舜當日上有欽

明濬哲之主下有亮采惠疇之臣亦云盛矣而  
君臣之交相儆者不曰無教逸欲無曠庶官即  
曰克艱厥后克艱厥臣甚至賡歌颺拜猶懷叢  
脞之虞聖人之用心大槩如是然堯舜之世洪  
水方割黎民阻饑非若

今日之淮黃底定百室盈寧也堯舜之世草昧初開  
文明漸啟非若

今日之漸摩已久親遜成風也乃運會之盛過於唐

虞而儆戒之心勤於堯舜從來盈虛消息天道之自然惟聖人能持其盈以留其有餘故可以久安而長治古聖人之作易也於大有之後次之以謙次之以豫孔子序卦傳曰有大而能謙必豫明乎有而不矜其有是以豫也以古聖人之書合之

聖天子之心不誠與之同揆也哉蓋由

萬幾之暇精研經史凡千古帝王政治之得失聖賢理

道之精微靡不兼綜條貫於中故德愈崇而心  
愈謹治彌隆而惕彌深載見之詩曰以介眉壽  
永言保之又曰俾緝熙於純嘏其我

皇上孜孜保治之謂歟

萬壽盛典初集卷七

欽定四庫全書

萬壽盛典初集卷八

聖德四教化

康熙五十二年三月十八日以

萬壽覃恩

詔直省督撫舉山林隱逸懷才抱德之士核實具奏酌  
與錄用其滿漢孝子順孫義夫節婦該管官細  
加諮訪確具事實奏聞禮部核實旌表以廣教

化

康熙五十三年二月二十日湖廣總督臣額倫

特謹

題為欽奉

恩詔事康熙五十二年三月恭逢

皇上萬壽頒宣

恩詔內一地方有山林隱逸懷才抱德之士著該督撫  
核實具奏酌與錄用欽此欽遵在案欽惟我

皇上御極以來歷今五十三年宵旰不遑勵精圖治保  
民無一夫之不獲取士則有美之畢收乃猶頒

宣

詔旨惟恐野有遺賢臣等敢不虛衷採訪仰副

恩綸竊查湖廣地方古稱才藪自蒙

皇恩教育廣額搜羅士皆奮志科名不甘棲心巖穴求

可上應

明詔實鮮其人

臣謹以素所聞知如陝西隱士王心敬

者為我

皇上陳之查王心敬籍隸陝西鄠縣年近六十家世業  
儒學有真傳得程朱之正脉行為鄉表領月旦  
之嘉評品既端方孝尤純篤母年八十餘晨昏  
定省未嘗少間樂志田園罔競榮利日以閉戶  
著書誨人不倦為務臣生長西安習聞其名未  
識其面比至湖廣聞前撫臣陳詵敷請再三心  
敬始遵母命負笈來楚居未浹旬即以親老辭



歸至今江漢人士猶憾遽失典型以是知王心  
敬苟非真懷才抱德不能使人企慕至此微臣  
識闇才疎受

恩深重無可報効惟思為

國薦賢少伸犬馬之忱是以不嫌越境冒昧薦揚伏  
乞

勅下陝西督撫將隱士王心敬再加核實奏  
聞如果臣言不謬令地方官起送赴京引

見賜之明試或德行果優或才能足用是懇

皇恩量與擢用於以副

恩綸而昭

盛典不惟史冊流光林泉生色臣且不勝歡欣抃舞慶  
至治之得人矣緣係奉

旨舉賢事理不敢隱尤不敢忽伏乞

皇上睿鑒施行為此謹具奏

聞三月十五日奉

旨該部議奏

本月二十三日吏部尚書臣富寧安等謹

題為欽奉

恩詔事吏科抄出湖廣總督額倫特奏前事內開

案查康熙五十二年三月十八日恭遇

皇上萬壽頒宣

恩詔內一地方有山林隱逸懷才抱德之士著該督撫  
核實具奏酌與錄用欽此欽遵在案欽惟我

皇上御極以來歷今五十三年宵旰不遑勵精圖治保  
民無一夫之不獲取才則有美之畢收乃猶頒

宣

詔旨惟恐野有遺賢臣等敢不虛衷採訪仰副

恩綸臣謹以素所聞知有如陝西隱士王心敬者謹將  
立身行已為我

皇上陳之查王心敬籍隸西安鄠縣年近六十家世業  
儒學有真傳行為鄉表品既端方孝尤純篤母

年八十餘晨昏定省未嘗少間樂志田園罔競  
榮利日以閉戶著書誨人不倦為務此臣生長  
西安所習聞而未謀面者比至湖廣聞前撫臣  
陳詵敦請再三心敬始遵母命來楚居未浹旬  
以親老辭歸至今江漢人士猶憾遽失典型以  
是知王心敬苟非真懷才抱德不能使人企慕  
至此微臣識闇才疎受

恩深重無可報効惟思為

國薦賢少伸犬馬之忱於萬一是以不嫌隔省冒昧

薦揚乞

勅陝西督撫即將隱士王心敬再加核實奏

聞如果臣言不謬著該地方官起送赴京引

見賜之明試或德行果優或才能足用是懇

皇恩量與擢用於以副

恩綸而昭

盛典不惟史冊流光林泉生色臣且不勝歡欣抃舞慶

至治之得人矣康熙五十三年二月二十日奏三月十

五日奉

旨該部議奏欽此欽遵於本月十六日抄出到部相應  
行令陝西督撫將王心敬細加核實具題到日  
再議可也臣等未敢擅便謹

題請

旨本月二十五日奉

旨依議

禮部儀制司為欽奉

恩詔事准奉天將軍唐保住咨稱看守

福陵總管尊住等咨稱正白旗多奇禪佐領下阿克楚之

孫族長觀保寧古里九什格龍噶爾圖孟戈絡

等呈稱族叔祖席十五歲父故晝夜侍奉孀母

不倦母自四十七歲孀居至八十二歲於康熙

四十九年二月二十九日病故祖席三日不食

三七後在原籍遂田里安葬於母墳旁結茅廬



一間日則修墳夜則秉燭坐守效古之孝子能  
竭其力夏耘草冬掃雪三年之久竝無倦怠於  
五十一年三月二十九日二十七月已滿親族  
人等迎接來家祖席係閒散人今年五十三歲  
父名馬拉原任拖沙拉哈哈番蒙

恩詔查孝子順孫合族將祖席盡孝之處舉出七品官  
劉了圖八品官非了圖族長寧古里九什格龍  
噶爾圖孟弋絡具保前來查祖席於母墳前結

茅廬看守二十七箇月是實等因於康熙五十二年六月二十九日咨送前來查孝子祖席盡孝之處與例相符應存案俟年終彙題可也  
鑲黃旗都統副都統欽奉

恩詔查咨請題

旌表節婦

滿洲船住佐領下護軍瓦色妻巴雅拉氏等四十口

蒙古佛保佐領下護軍賽音圖妻佟氏等九口

漢軍祖良卿佐領下俊秀郎應參妻吳氏等七

口

正黃旗都統副都統欽奉

恩詔查咨請題

旌表節婦

滿洲明德佐領下披甲神保佳妻烏雅拉氏等

二十七口

蒙古策汪諾爾佈佐領下護軍那蘇克妻鄂者

忒氏一口

漢軍金無極佐領下閒散文之祥妻李氏等十

三口

正白旗都統副都統欽奉

恩詔查咨請題

旌表節婦

滿洲張格佐領下撥什庫卞他哈妻佟嘉氏等

二十六口

蒙古和尚佐領下護軍齊倫妻八林氏等五口  
漢軍李維新佐領下閒散董有亮妻張氏等二  
十口

正紅旗都統副都統欽奉

恩詔查咨請題

旌表節婦

滿洲常來佐領下護軍哈什那妻瓜爾嘉氏等

九口

蒙古救住克佐領下護軍紐牛妻郭爾吉氏等

十一口

漢軍王永成佐領下原任拖沙拉哈番趙之瑜

妻劉氏等七口

鑲白旗都統副都統欽奉

恩詔查咨請題

旌表節婦

滿洲覺羅海蘭佐領下親軍吳漢妻武扎拉氏  
等三十九口

蒙古新多爾吉佐領下護軍阿第妻關氏等十  
一口

漢軍高其倬佐領下披甲陳三達妻鍾氏等十  
四口

鑲紅旗都統副都統欽奉

恩詔查咨請題

旌表節婦

滿洲蒙古佐領下護軍保孫妻佟嘉氏等二十

五口

蒙古班第佐領下護軍尚圖妻王氏等五口

漢軍趙珀佐領下閒散于邦臣妻姜氏等三口

正藍旗都統副都統欽奉

恩詔查咨請題

旌表節婦



滿洲車克車渾佐領下護軍博圖妻王氏等二  
十口

蒙古索諾木喇什佐領下親軍昂阿來妻薩爾  
屯氏等六口

漢軍張永正佐領下閒散于顯亮妻孫氏等八  
口

鑲藍旗都統副都統欽奉

恩詔查咨請題

旌表節婦

滿洲薩克慎佐領下護軍桑哥妻邱氏等三十

三口

蒙古孟和尚佐領下護軍巴爾藏妻查罕氏等

六口

漢軍李楠佐領下閒散王朝英妻徐氏等四口

奉天將軍伯唐保住欽奉

恩詔查咨請題

旌表節婦

鑲黃旗滿洲殷泰佐領下撥什庫達羊阿妻巴

牙喇氏等三口

杭州將軍宗室諾洛布欽奉

恩詔查咨請題

旌表節婦

鑲黃旗滿洲那穆布佐領下撥什庫滿珠妻莫

爾齊氏等五口

西安將軍席柱欽奉

恩詔查咨請題

旌表節婦

鑲黃旗滿洲色柱佐領下披甲敦泰妻由庫盧

氏等十五口

寧古塔將軍覺羅蒙鄂洛欽奉

恩詔查咨請題

旌表節婦

鑲黃旗滿洲邁圖佐領下披甲科布索活妻傳

查氏等二十二口

禮部尚書

臣陳詵等謹

題為彙題

旌表事准八旗奉天等處將軍咨稱等因前來該臣等  
議得各該都統副都統各該將軍副都統既稱  
伊等自三十歲以下守節至五十歲以後貞恪  
守節及孝子盡孝是實照例年終彙題應請

旌表侯

命下之日行文戶部每人給銀三十兩聽其建坊可也

臣等未敢擅便謹

題請

旨康熙五十二年十二月十七日題本月十八日奉

旨依議

廣東巡撫滿丕欽奉

恩詔題請

旌表節婦

南海縣民梁俊客妻陸氏

南海縣儒士方士成妻吳氏

東莞縣生員趙奕爵妻李氏

東莞縣儒士庾瑚妻黎氏

東莞縣儒士周祥慶妻袁氏

順德縣儒士蕭英俊妻張氏

潮陽縣民姚爵士妻陳氏

偏沅巡撫潘宗洛欽奉

恩詔題請

旌表節婦

桂陽州生員雷電妻鄧氏

安仁縣民李任賢妻唐氏

四川學政王誥欽奉

恩詔題請

旌表節婦



宜賓縣生員樊澤迴妻尹氏

富順縣武舉王于蕃妻尤氏

貴州巡撫劉蔭樞欽奉

恩詔題請

旌表節婦

鎮寧州生員洪可選妻項氏

福建巡撫覺羅滿保欽奉

恩詔題請

旌表節婦

連江縣生員陳獻琳妻鄭氏

莆田縣儒士鄭翰徵妻許氏

邵武縣儒童李如璋妻聶氏

連城縣民童才良妻俞氏

浙江巡撫王度昭欽奉

恩詔題請

旌表節婦

仁和縣儒童汪雲瑞妻王氏

仁和縣民沈士昭妻劉氏

仁和縣民范玉珍妻朱氏

仁和縣監生周之暹妻沈氏

仁和縣民嚴姓妻俞氏

山陰縣民吳乾復妻朱氏

山陰縣民劉士茂妻朱氏

平湖縣貢生程溥妻戴氏

海寧縣監生楊中惺妻勞氏

山西巡撫蘇克濟欽奉

恩詔題請

旌表節婦

靜樂縣原任光祿寺署丞李室妻周氏又妾邱

氏

禮部尚書臣陳詵等謹

題為彙題

旌表事據廣東巡撫滿丕等具題前來該臣等議得查  
山西巡撫蘇克濟疏稱靜樂縣原任光祿寺署  
丞李室妻周氏妾邱氏臣部查周氏曾否受過  
誥封邱氏病故年分不符一併行查該撫去後至今未  
到俟該撫查覆到日於康熙五十三年年終彙  
題外廣東等屬共節婦二十五口該撫該學政  
俱疏稱伊等貞恪守節是實照例年終彙題應

請

旌表侯

命下之日行令該撫該學政轉行該地方官各給銀三

十兩聽其建坊可也臣等未敢擅便謹

題請

旨康熙五十二年十二月十七日題本月十八日奉

旨依議

二十五日壬寅

上宴廷臣及直省來京慶祝

萬壽臣民年六十五歲以上者於

暢春園宴畢

特降勅旨頒賜耆民令歸傳諭鄉里敦孝弟厚風俗  
上諭各直省老人云書稱文王善養老者孟子云七十  
者非帛不煖非肉不飽帝王之治天下發政施仁未  
嘗不以養老尊賢為首務近來士大夫只論做官之  
賢否移風易俗之效驗所以不暇講究孝弟之本心  
朕因今日之會特宣此意若孝弟之念少輕而求移

風易俗其所厚者薄而其薄者厚矣爾等皆是老者  
比回鄉井之間各曉諭鄰里湏先孝弟倘天下皆知  
孝弟為重此誠移風易俗之本禮樂辭讓之根非淺  
鮮也昨日甘霖大沛四野霑足朕心大悅爾等毋誤  
農時速回本地特諭本日戶部即將

上諭刊刻分給直省老人

七月三十日乙亥

詔以頒發老人



上諭載入

上諭十六條內通行直省府州縣及凡有土司之處於

月朔竝行宣講以廣教化

閏五月二十五日廣西巡撫臣陳元龍謹

題為

聖朝養老恩隆惇倫化遠謹據輿情恭謝

天恩事據廣西桂林府等屬耆老李昌泰等呈稱昌等  
幸逢仁壽之世皆登耄耋之年生長邊方未嫻

禮教伏讀

聖諭講究孝弟之本心昌等在各鄉村傳集老幼宣讀  
講論人人聳聽有感激而涕泗交頤者有愧惡  
而頭低面赤者有歡忭而踴躍鼓舞者北望叩  
頭齊聲皆呼

萬歲從此父慈子孝兄友弟恭各愛其親各敬其長獄  
訟自息盜賊自銷真成熙熙皞皞之風昌等年  
老之人仰荷

皇恩賞賚皆得衣帛食肉似此養老仁政亘古所無今  
見風俗淳厚子孫孝敬相與含哺鼓腹歌詠太  
平正未有艾普天耆老無非

聖壽錫福但微賤小民感戴之情無由上達籲請代題  
恭謝復疏

題為請行宣講養老

上諭以正人心以厚風俗事本年五月初二日准部咨  
開頒發各直省老人

上諭一道臣跪讀之下仰見我

皇上端治化之本原明孝弟為首務就施仁養老之典

寓移風易俗之權藹藹

綸音如父子家人之告語煌煌

詔旨示綱常名教之防閑雖二典三謨奚以過是若普

天率土皆能守孝弟之本心則閭里盡屬良民

學校無非端士風俗咸歸淳厚化理益至雍熙

現今直省各府州縣每月朔宣講

上諭十六條

臣

請通行直省地方將頒發老人

上諭并行宣講俾里民聽聞之下提撕警覺裨益非淺鮮矣至廣西等處土司地方教化尤屬緊要乞一并頒發土司官員宣講以廣

聖化冒昧條奏伏乞

睿鑒施行七月初二日奉

旨該部議奏

七月二十六日戶部尚書臣穆和倫等謹

題為請行宣講養老

上諭等事禮科抄出廣西巡撫陳元龍奏前事等因康熙五十二年閏五月二十五日題七月初二日奉

旨該部議奏欽此欽遵於七月十六日禮部將原抄咨送到部臣等查得廣西巡撫陳元龍奏稱頒發老人

上諭一道臣跪讀之下仰見我

皇上端治化之本原明孝弟為首務若普天率土皆能  
守孝弟本心風俗咸歸淳厚化理益致雍熙現  
今直省各府州縣每於月朔宣講

上諭十六條臣請通行直省地方官將頒發老人

上諭竝行宣講俾愚民聽聞動其感發興起之念裨益  
非淺鮮矣至廣西等處土司地方教化尤為緊  
要竝乞一體頒發土司官員講解以廣

聖化等因具奏前來查頒發老人

上諭臣部已經通行直隸各省在案今該撫既請頒發  
老人

上諭與現今直省各府州縣月朔宣講

上諭十六條竝行宣講及廣西等處土司地方竝乞一體頒發土司官員講解等語均應如所請將頒發老人

上諭載入

上諭十六條內行令直隸各省府州縣及凡有土司之



處照例於月朔並行講角以廣

聖化可也臣等未敢擅便謹

題請

旨本月三十日奉

旨依議

臣等伏讀

詔旨何其愛民之深憂民之切而兢兢於化民成俗如  
此乎其至也書曰惟天陰騭下民厥有恒性克

綏厥猷惟后又曰天降下民作之君作之師蓋  
非徒遂其生必且復其性焉在昔堯舜之世既  
設司徒之官教以人倫使知父子有親君臣有  
義夫婦有別長幼有序朋友有信又申命以勞  
來匡直輔翼使自得之又振德之蓋聖人之憂  
民如此而又慮司徒之官未能徧及鄉國也更  
設為庠序學校以教之而申之以孝弟之義老  
者衣帛食肉斑白者不負戴於道路三代相因

其法益備於是秀民之列膠庠者蔑勿循循知  
齒讓矣而村野愚民身不被詩書之澤口不誦  
仁義之言何所督率而化導之於是命道人以  
木鐸徇於路以振文教而周禮大司徒正月之  
吉始和布教於邦國都鄙乃縣教象之法於象  
魏使萬民觀教象挾日而斂之乃施教法於邦  
國都鄙使之各以教其所治民令比閭族黨互  
相保恤人倫明於上小民親於下唐虞三代之

隆化行俗美君子樂得其道小人樂得其欲風  
何淳歟漢時興廉舉孝猶為近古又立縣三老  
鄉三老專主教民明帝臨辟雍行養老禮諸儒  
執經問難於前圜橋門而聽者億萬計維時風  
俗淳厚彬彬有君子之風焉夫古之為教也無  
過命司徒設學校警以道人勸以讀法極之臨  
雍講藝如是止矣未有煌煌

聖訓進十五國之父老而面命之與父言慈與子言孝

正教化之本明禮讓之原如

今日者也我

皇上臨御以來敬天勤民事事以堯舜為法而孝弟之  
大原尤躬行倡率於上極天下之尊養以奉

皇太后而先意承志久而彌純至於篤厚天潢推恩宗室  
孝友之誠有加無已固宜推此以仁民則視民  
如傷推此以愛物則萬物並育化民成俗之方  
至隆極盛矣猶恐天下之民匹夫匹婦有不與



聖訓爭自濯磨而躍治者流靡不愧悔生心同歸於善  
教化之勤拳雖唐虞三代何以加諸宜乎清和  
咸理兵革不作四譯嚮風享億萬載承平之福  
而未有已也茲屆

萬壽六旬大慶九州垂白之老不遠千里而來望

闕嵩呼四方和會自古書傳所紀上下數千百年未  
聞有若斯之盛者非

聖天子之德教溢乎四海何以得此於遐邇中外哉我

皇上慰答輿情

陞殿受朝賀十七日先自

暢春園奉

皇太后還宮

皇子

皇孫步行扶輦十八日先率臣民朝

皇太后然後

陞殿固己身先天下而教之孝矣二十五日宴廷臣及



直省赴

闕朝賀臣民年六十五歲以上者於

暢春園設宴千四百席席四人

皇上親御門諭以敬老尊賢弗拘常禮又

命皇子皇孫年十五以上者傳觴勸侑其臣工年八十

耆民年九十以上者

特許前席賜以卮酒又已先天下而教之弟矣乃復

親賜溫綸諭以孝弟力田為本務禮樂辭讓為化源使

歸教其鄉里樹之風聲當是時也孝子順孫義夫節婦既已各戴

覃恩旌其宅里而

王言所播雷動天隨不啻家人父子之交相勸勉固宜遐邇僻壤舉踵思慕感激涕零而咫尺

天顏親承

聖訓者更不自知其歡欣踴忭詠歌

聖德於無疆也書所謂明俊德親九族百姓昭明協和

萬邦黎民於變時雍者何以加於此易曰聖人  
久於其道而天下化成蓋惟有聖人之大德然  
後享聖人之上壽有聖人之上壽然後成聖人  
之大化自非久於其道化亦未易言成也我  
皇上以德致壽享厯彌長非三代以下人主所及故大  
化翔洽亦非三代以下所可幾自今以往萬有  
千歲眉壽無害漸仁摩義淪肌浹髓將使戶皆  
可封進於淳古所謂咸五帝登三王豈筆札所

能盡記也哉

萬壽盛典初集卷八

欽定四庫全書

萬壽盛典初集卷九

典禮一 朝賀一

康熙五十二年三月初六日癸未禮臣以

聖壽六旬正誕請於

聖誕日陞殿受朝賀

上從之

三月初六日禮部尚書臣赫碩色等謹

題為恭逢

仁壽昌期籲請舉行

大典以迓神貺以慰輿情事欽惟我

皇上冠百王而首出撫萬國以咸寧久道化成無逸作  
所敬

天法

祖朝乾夕惕者五十二年

聖德神功慕義懷仁者千萬餘國用是

蒼穹垂佑壽福兼隆考之前古孰能媲美前於五十年欣逢泰運諸王大臣會同懇乞

皇上陞殿受賀新撰

表文恭進歲以為常等因具題蒙

皇上俯念公疏奏陳情詞懇切如所請行輿情歡忭得遂微忱今恭逢

聖主六旬大慶臣民尤深鼓舞中外更屬歡騰羣欲抒瞻雲就日之思效華祝嵩呼之盛愛戴頌祝倍

勝於前查每遇

萬壽聖節致祭

太廟後殿真武廟東嶽廟城隍廟今歲大慶非比常年除

例祭外伏懇

特遣大臣告祀

天

地

太廟



社稷祝文由翰林院撰擬其開列遣官恭設祀品等項

太常寺照例備辦至十八日

萬壽正誕伏乞

皇上陞太和殿受諸王貝勒內外臣工軍民耆老等拜

表慶賀

表文由內閣撰擬恭候

命下遵行嗣後每遇十年著以為常用昭

天

祖神靈保佑申命之意并慰薄海內外尊親愛戴之誠則  
億萬年永享昇平千百國長祝

仁壽矣臣等謹拜首稽首無任踴躍歡忭之至為此謹

題伏候

勅旨初八日奉

旨是

十二日禮部尚書臣赫碩色等謹

題為禮儀事恭照康熙五十二年三月十八日

萬壽聖節行

慶賀禮儀注是日早

皇上鹵簿大駕於

太和殿前照常陳設

皇太后儀仗於

寧壽門前陳設中和樂於簷下陳設丹陛樂於

寧壽門外南牆下兩邊陳設和碩親王以下入八分

公等內大臣侍衛及滿漢大學士等俱穿朝服

於

景運門外齊集禮部堂官以行禮時已至奏請

皇上具禮服陞輦禮部堂官前導由

景運門出王等以下入八分公等內大臣侍衛及滿

漢大學士等隨至

皇太后宮西角門

皇上升輦至

寧壽門

皇上於

寧壽門丹陛上東旁立王等以下公以上在

寧壽門外丹陛立下立大臣侍衛等在儀仗末兩旁立  
其未入八分公等文武各大臣官員在

午門外排立鳴贊官在

寧壽門丹陛上側身立禮部堂官說與太監轉奏請

皇太后陞座位

皇太后出宮作樂陞

寧壽宮座位後

皇上於

寧壽門中間檻外正中立王等以下公以上於

寧壽門外丹陛下兩旁分翼排立大臣侍衛等在儀  
仗末兩旁排立聽鳴贊官贊行三跪九叩頭禮  
其未入八分公等文武各大臣官員在

午門外亦同隨行禮此行禮時作樂監察御史在  
寧壽門外丹陛下一處儀仗末一處

午門外一處視儀鳴贊官贊禮畢

皇上回原立處立禮部堂官說與太監轉奏請

皇太后還宮作樂

皇太后還宮後

皇上還宮

皇上還宮後衆皇子在月臺上空角路兩旁排立行三

跪九叩頭禮禮畢禮部堂官奏請

皇上陞中和殿內大臣侍衛內閣翰林院詹事府禮部

都察院鴻臚寺官員引進不贊行三跪九叩頭  
禮禮畢

皇上陞太和殿座位內鑾儀衛鳴贊官贊鳴鞭鳴鞭三  
下聽鳴贊官贊王公等率文武大臣官員進

表行禮行禮時作樂禮畢內鑾儀衛鳴贊官贊鳴鞭  
鳴鞭三下

皇上還宮作樂還宮後王公大臣官員各散謹具

奏



聞

禮部儀制司為禮儀事恭照康熙五十二年三

月十八日

萬壽聖節

皇上陞太和殿受諸王大臣文武官員進表行慶賀禮  
所有儀注并一應事宜相應知會各衙門可也

一咨都察院

太和殿行禮時差監察御史照例視儀外

皇太后行禮時亦差監察御史於

寧壽門外丹陛下一處儀仗末一處

午門外一處視儀

一咨武備院於行禮處預備坐褥

一劄順天府府丞傳示進

表行禮生員於十八日在

午門外齊集聽鴻臚寺官指引行禮

一咨都察院轉行五城傳示進

表行禮民人於十八日早在

午門外齊集聽鴻臚寺官指引行禮

一咨內務府預備行禮處鋪設棕毯

一劄欽天監行禮預備時辰香

一付祠祭司行禮備樂

一劄鴻臚寺知會行禮儀注并

午門外行禮士民兵丁另行差官引禮

一咨詹事府知會行禮儀注

一咨翰林院知會行禮儀注

一咨內大臣知會行禮儀注

一咨護軍統領知會行禮儀注

一咨上駟院知會行禮儀注

一咨內鑾儀衛知會行禮儀注

一行內閣典籍廳知會行禮儀注

一行禮科知會行禮儀注

先是二月二十九日禮部尚書臣赫碩色等謹

奏為請

旨事每年三月十八日恭逢

萬壽令節王以下文武大臣官員俱七日穿朝服往

暢春園穿蟒袍補服但今歲恭逢

皇上六旬萬壽大慶非尋常可比相應自三月初一日

起至月終止穿朝服蟒袍補服嗣後每遇十年

照此例舉行一次為此謹奏請

旨本日奉

旨著自初一日起穿至二十日

十一日戊子

上以直省臣民耆老來京慶祝

萬壽者人數衆多

詔禮臣於

朝賀日指引行禮

十一日大學士傳

上諭各省紳士耆民為祝萬壽來京者甚衆恐禮部臨

期想不到爾等即預為傳知廢官舉人貢監生生員  
耆老百姓於午門端門外一路指引行禮之處倘行  
禮少有參差不齊不必苛求

禮部謹奏為請

旨事今歲恭逢

聖主六旬大慶各省紳衿士庶耆老并在京舉貢生監  
耆老兵民等歡忭鼓舞均欲

大慶行禮者不可勝數若不預行指與伊等行禮處恐

參差不一相應於十八日令在

午門前儀仗末行禮人多分在

端門外行禮再多復分在

天安門外行禮酌量派臣部官鴻臚寺官指引行禮  
可也為此謹

奏

十五日壬辰

詔復因公誥誤諸臣李錄子等職令於



萬壽日隨班行禮

十二日

上諭大學士九卿云頃傳諭旨內有一事未曾言及今  
歲來京年老之人甚多此內除本身特犯私罪外或  
有因公註誤降級革職者酌量復還似應於十八日  
令其隨班行禮大學士九卿等會同會議即行奏聞  
十五日大學士九卿等具摺

奏覆

詳第二十六卷  
加恩者舊中

欽定四庫全書

萬壽盛典卷九

十一

十六日癸巳

詔復八旗因公註誤諸臣阿山等職令於

萬壽日隨班行禮

十五日

上諭大學士九卿云漢官內年逾六十者俱已查明施恩滿洲蒙古漢軍官員亦照此例查奏本日大學士

九卿等具摺

奏覆

詳第二十六卷  
加恩耆舊中

十八日乙未黎明

上詣

寧壽宮朝

皇太后禮畢還

宮隨

御太和殿陞座王以下文武官員進

表慶賀致仕及給還原品官隨班行禮其餘耆老軍

民俱於

午門外列至

大清門外行禮慶賀

是日黎明鑾儀衛官預陳

皇上鹵簿儀仗於

太和殿前陳步輦於

太和門外陳大駕於

午門外陳馴象於大駕之南陳仗馬於丹墀中道之

左右俱東西相向教坊司設中和韶樂於

太和殿簷下之東西設丹陛樂於

太和門內北向禮部官設黃案於

太和殿東簷下諸王貝勒貝子公等俱朝服齊集

太和門未入八分公以下文武百官俱朝服齊集

午門外禮部官捧諸王大臣所進

萬壽賀表由

午門東旁門入至

太和殿前置黃案上鴻臚寺官引諸王貝勒貝子公

等於

太和殿前丹陛上立引文武百官由東西兩掖門入  
至

太和殿前丹墀內分翼排立引朝鮮等使臣由西掖  
門入立於西班之末糾儀御史二員於殿前西  
簷下東向立又四員於丹陛上立又四員於丹  
墀內立俱東西相向又八員於東西班末立鴻  
臚寺鳴贊官四員於殿簷下立又四員於丹陛

上立又四員於丹墀內立俱東西相向又指引  
紳衿耆老兵民行禮官自

午門至

大清門各處分立鑾儀衛鳴鞭官於丹陛南三層階  
之西每層各二員俱東向立班行既定欽天監  
官至

乾清門報時禮部鴻臚寺堂官奏請

皇上陞殿

上具禮服出宮

御中和殿陞座內大臣侍衛內閣翰林院禮部都察院  
詹事府鴻臚寺執事各官於

殿前排班行三跪九叩頭禮畢

駕興

午門鳴鐘鼓中和韶樂作奏乾平之章曰二儀清寧

三辰順則維

帝凝命亟冒區域仁恩廣覃至於動植久道化成隆功



駿德

聖人多壽年世萬億

上御太和殿陞座樂止鑾儀衛官贊鳴鞭丹墀內三鳴  
鞭鳴贊官贊排班內外諸王率文武百官及紳  
衿耆老兵民人等各就拜位立贊進贊跪王以  
下各官俱跪贊宣表宣讀官從案上捧表詣殿  
簷下御道之中北向跪宣畢

表文  
載後

丹陛大樂作

奏慶平之章曰

皇覆萬寓品物咸亨九賓在列百譯輸誠濟濟卿士式  
造在庭

帝仁如天

帝明如日親賢任能愛民育物禮備樂成聲教四訖鳴  
贊官贊跪叩頭王以下各官行三跪九叩頭禮  
此行禮時紳衿耆老兵民人等亦隨行禮禮畢  
樂止贊退王以下各官俱復原班立鳴贊官贊  
排班鴻臚寺官引朝鮮等國使臣以次就拜位

立贊進贊跪叩頭行三跪九叩頭禮丹陛大樂  
作奏治平之章曰天盡所覆以畀我

清我德配命涵濡羣生萬國蹈舞來享來庭侯侯蹲  
蹲視彼干戚

天威式臨其儀不忒禮畢樂止贊退各復原班立鑾儀  
衛官贊鳴鞭丹墀內三鳴鞭

駕興中和韶樂作奏太平之章曰鑒觀惟德丕命維  
皇肇茲壽域薄海要荒物性茂育民俗樂康冠帶之國

望斗辨方曰惟萬年同於昊蒼

皇上回宮樂止王以下各官以次出是日

皇子分封者同諸王大臣進

表行禮未分封者率

皇孫在

乾清宮行禮外省入覲之督撫提鎮卓異來京之文武各官及致仕給還原品官員各照品級附於班末直省紳衿耆老兵民人等自

午門直至

大清門摩肩接踵遙望

殿廷叩拜而退

臣攷周制天子之朝羣臣有四曰外朝曰中門  
曰內朝曰詢事諸侯之來朝亦有四春曰朝夏  
曰宗秋曰覲冬曰遇若夫朝賀之制起於漢初  
長樂宮成諸侯王以下至吏六百石以上以次  
奉賀後漢惟歲首正月大朝受賀又以冬至陽

氣起君道長受賀至降誕之辰未有以朝賀聞者蓋功德未底於極隆制作未臻於大備遂令此典闕如莫光史冊即或間有節名舉行慶賀亦不過內庭奉觴上壽百官稽首舞蹈而已從未有薄海內外臣民耆老齊赴

闕廷嵩呼華祝如

今日者也欽惟

皇上德盛化神禮明樂備耿光大烈丕冒出日之鄉仁

漸義摩遠及無雷之國固已東鵜西鰈來享來  
王航海梯山極於無外矣今恭逢

聖壽六旬集萬國之衣冠肅千官之劍佩曙光纔動曉  
日方升零露霑濡惠風和暢官扇團團之影御  
爐縹緲之烟奏韶樂於彤墀列鴈行於玉陛千  
旗雲擁

萬歲山呼

一人穆穆以當陽百爾雍雍而上

壽蓋自王公大臣而下至班聯寮案之餘有中外藩封  
入覲稱賀者若蒙古朝鮮諸臣是也有世受

殊恩拜舞

彤廷者若衍聖公諸臣是也有職任封疆慶祝來京  
者若督撫提鎮諸臣是也有適逢引

見之期得與拜稽之列者若直省卓異文武諸臣是  
也有已遂初服重覲

天顏者若致仕在籍諸臣是也有章蒙



恩宥復廁清班者若復職諸臣是也若夫直省耆老當  
祝哽祝噎之年僅知田里桑麻之樂乃黃髮鮐  
背扶杖觀光罄折偃僂歡呼動地他如士農工  
賈為類不齊或來學校或自田疇或出市廛或

由工肆仰瞻

天日匍伏

闕廷莫不睂飛色舞自以幸際

昌期獲觀盛典猗歟休哉東西南朔不合而同貴賤

賢愚不期而至合萬國之歡心成一朝之典禮  
所謂聖人出則日月記其初王澤深則風俗傳  
其後載榮史冊其在斯乎臣等忝列班行獲隨  
忭舞猥慙封菲莫罄揄揚惟紀一時之盛以補  
千古朝會之所未有云爾至於朝賀諸臣自常  
朝王公及現任文武官員不備書外其詣

闕祝

壽臣民備載於後慶賀表文亦附見焉

--	--	--	--	--	--	--	--

欽定四庫全書

萬壽盛典初集  
卷九

二十一

萬壽盛典初集卷九

欽定四庫全書

萬壽盛典初集卷十

典禮一 朝賀二

羣臣賀表

和碩顯親王

臣

衍潢等諸王貝勒文武官員

臣等誠懽誠忭稽首頓首

上

賀伏以

日御正於中天登五十餘年之寶曆

斗杓建於辰位綿億萬斯載之昌符慶洽寰區懽騰

廣殿恭惟

皇帝陛下

誕膺

景命

溥育蒸黎

文武聖神娘唐堯之廣運

祿位名壽協虞舜之重華

致世昇平誠哉同躋五福受

天休祐允矣不替萬年亘南朔東西盡屬聲名暨訖逮山

川草木咸歸德化涵濡

體乾健於一心治益思治

轉璇光於六甲周而復周共霑大澤之旁流羣仰

聖人之久道

臣等欣逢

瑞節獲覲

宸光伏願

介祉茂增於升恒與天皆永

太和洋溢於仁壽應地無疆臣等瞻

天仰

聖無任懼忭之至謹奉

表稱

賀以

聞



朝鮮賀表

朝鮮國王李煊茲遇康熙五十二年三月十

八日

萬壽聖節謹奉表稱賀者臣煊誠懽誠忭稽首頓首上

言伏以德統乾元首正六龍之位建用皇極弘

開五福之先恭惟

皇帝陛下

率育蒼生

誕膺

景命寰區和協聲教覃敷四海一而萬國來王川嶽靈

而俊乂斯出太平有象歷數無疆

臣恭遇

熙朝欣逢

聖誕身羈藩服心戀

闕廷伏願玉燭常調慶雍熙於九牧金甌永固登仁

壽於萬年

臣瞻

天仰

聖無任懽忭之至為此具本謹具奏

聞

十八日隨班

朝賀臣民耆老

一常朝諸臣

王以下現任文武有頂帶官員以上如常儀行  
禮

一外藩諸臣

科爾沁土謝圖親王鄂爾吉圖

科爾沁卓里克圖親王巴忒瑪

科爾沁達爾漢親王羅卜臧滾布

烏朱穆秦車臣親王色登敦多布

喀爾喀扎薩克圖汗和碩親王多羅額駙策旺

扎卜

喀爾喀土謝圖汗汪札爾多爾濟

喀爾喀和碩親王達什敦多卜

科爾沁多羅扎薩克圖郡王鄂齊爾

科爾沁多羅郡王諾們額爾黑圖

科爾沁多羅郡王伊錫班第

巴林多羅郡王額駙吳爾滾

阿霸垓多羅郡王吳爾占噶喇卜

阿霸垓多羅郡王丙

喀喇沁多羅都楞郡王色稜

嵩齊忒多羅額爾德尼郡王阿噶尼思塔

萬齊忒多羅郡王雅木批爾

敖漢多羅郡王垂木珀爾

敖漢多羅郡王鄂爾貞圖

奈漫多羅郡王崔忠

喀爾喀多羅郡王額駙端多布多爾濟

喀爾喀多羅郡王彭蘇克

喀爾喀額爾德尼濟農多羅郡王納木扎爾

科爾沁多羅貝勒阿必達

科爾沁多羅貝勒巴克錫嘏

烏朱穆秦多羅貝勒博穆波

喀爾喀多羅達爾漢貝勒占達古米

喀爾喀多羅貝勒宗對

喀爾喀多羅貝勒羅卜臧

阿祿科爾沁多羅貝勒汪占

扎魯特多羅達爾漢貝勒阿達沙

扎魯特多羅貝勒畢魯瓦

毛明安多羅貝勒班第

蘇尼特多羅貝勒席里

喀爾喀多羅貝勒丹津多爾濟

喀爾喀多羅貝勒垂扎穆山

喀爾喀多羅貝勒諾爾布班第

喀爾喀札薩克多羅貝勒喇嘛扎卜

喀爾喀多羅貝勒汪扎爾

厄魯特多羅貝勒額駙阿保



科爾沁和碩額駙班第

巴林固山貝子托錫納木塔爾

巴林固山貝子鄂齊里桑

阿霸坡固山貝子車林敦羅卜

喀爾喀固山貝子巴忒瑪汪扎爾

杜爾伯特固山貝子沙津

阿霸哈納固山貝子額林陳達什

喀爾喀扎薩克固山貝子喇卜灘

科爾沁鎮國公圖努滿

喀喇沁鎮國公沙穆巴拉什

扎魯特鎮國公蘇禮

翁牛特鎮國公索諾穆

蘇尼特輔國公羅壘

郭爾羅斯輔國公莽色

喀爾喀輔國公車穆綽克納木扎爾

喀爾喀輔國公汪舒克

喀爾喀輔國公索諾木伊思扎卜

喀爾喀輔國公車林巴爾

喀爾喀輔國公根敦

喀爾喀輔國公克色克

厄魯特輔國公多爾濟塞卜騰

厄魯特輔國公毛海

徽特輔國公羅卜臧

和托徽特輔國公奔貝

毛明安扎薩克一等台吉諾爾布

郭爾羅斯扎薩克一等台吉畢里袞鄂齊爾

克西克騰扎薩克一等台吉齊巴克扎卜

喀爾喀扎薩克一等台吉汪布

喀爾喀扎薩克一等台吉羅卜藏額爾得尼阿  
海

喀爾喀扎薩克一等台吉班珠爾多爾濟

喀爾喀扎薩克一等台吉多爾濟達什

喀爾喀扎薩克一等台吉阿里雅

喀爾喀扎薩克一等台吉車林達什

喀爾喀扎薩克一等台吉齊旺班珠爾

喀爾喀扎薩克台吉車臣吳爾占

喀爾喀扎薩克台吉沙祿伊爾都齊

喀爾喀扎薩克台吉納木扎爾

喀爾喀扎薩克台吉達爾佳

喀爾喀扎薩克台吉哈嘛爾帶青

喀爾喀扎薩克台吉納木林藏布

喀爾喀扎薩克台吉薩喇完扎

喀爾喀扎薩克台吉吳巴

喀爾喀扎薩克台吉席第

喀爾喀扎薩克台吉托賴

喀爾喀扎薩克台吉垂扎卜

喀爾喀扎薩克台吉衛珍阿海多爾濟

喀喇沁扎薩克一等他布囊格倫

巴林公主之孫台吉根扎普等三人

敖漢公主之孫台吉巴雅爾圖等十八人

敖漢公主之孫未受品級台吉多爾吉喇錫等

二人

科爾沁公主之孫台吉畢里克圖等十人

科爾沁公主之孫未受品級台吉藏布等三人

喀爾沁公主之子納穆錫

科爾沁和碩端敏公主之子策旺多爾濟

科爾沁和碩純僖公主之子台吉色稜納木占

喀爾喀和碩額駙策林之弟官格喇卜灘

喀爾喀和碩親王達什敦多卜之弟一等台吉

索納木扎卜

喀爾喀土謝圖汗汪扎爾多爾濟之叔一等台

吉袞春多爾濟

喀爾喀土謝圖汗汪扎爾多爾濟之弟一等台

吉巴爾達爾多爾濟



厄魯特公毛海之弟一等台吉車林

喀爾喀貝勒諾爾布班第之子協理台吉帕克

巴扎卜

徽特公羅卜臧之子協理台吉巴濟

科爾沁一等台吉吳爾都納蘇圖

烏朱穆秦一等台吉塔旺扎穆蘇

喀喇沁一等他布囊色補

科爾沁親戚台吉卜達等六十三人

烏朱穆秦協理台吉馬錫等二人

阿霸拔協理台吉德穆褚克等二十六人

喀喇沁協理他布囊塔爾宛等二人

嵩齊忒協理台吉安瑪第

奈曼協理台吉巴都禮雅等二人

喀爾喀協理台吉扎穆泰

阿祿科爾沁協理台吉丹津等二人

扎魯特一等台吉阿山等四人

毛明安一等台吉沙克雅等二人

蘇尼特協理台吉圖巴什希卜等二人

杜爾伯特一等台吉卜達

阿霸哈納協理台吉崔鍾

翁牛特協理台吉根敦扎普等三人

郭爾羅斯協理台吉鄂齊禮等三人

克西克騰協理台吉班第

吳喇忒一等台吉南充等五人

土默特一等台吉袞濟思扎卜等五人

鄂爾多斯台吉羅卜臧

扎賴特協理台吉何塔等二人

喀爾喀協理一等台吉寧噶爾扎爾等四十九人

阿霸坡原任王塔滿林扎卜

科爾沁老台吉阿努達

阿霸坡老台吉烏都等二人

吳喇忒老台吉阿穆瑚朗

喀爾喀老台吉扎木揚等五人

附入土默特翼老台吉昆楚恒

土默特老他布囊商圖

一世襲諸臣

衍聖公孔毓圻

太常寺博士孔毓埭

國子監學正孔毓璋

翰林院五經博士孔傳鉉顏崇敷曾尚鎔孟貞  
仁端木謙閔興汶東野枝盛言德堅等

正一嗣教大真人張繼宗

一等海澄公黃應纘

一等侯張宗仁

一督撫學政諸臣

湖廣總督鄂海總督河道趙世顯直隸巡撫趙  
宏燮甘肅巡撫岳拜提督陝西學政潘從律等

一將軍副都統諸臣

寧古塔將軍孟俄洛江寧將軍鄂克遜鎮海將軍馬三奇西安將軍席住荊州將軍達爾占福建將軍祖良璧杭州副都統道服色李如松西安副都統索柱劉官統等

一提鎮諸臣

古北口提督馬進良江南提督師懿德浙江提督吳郡貴州提督張文煥宣化總兵官司九經

天津總兵官杜呈泗太原總兵官馬見伯大同  
總兵官張自興寧夏總兵官范時捷南陽總兵  
官楊鑄漳州總兵官許鳳鶴麗總兵官郝偉等  
一卓異在京諸臣

同知趙友夔等

知州唐賡陶等

知縣儲右文等

教諭楊鰲等



副將朱杰等

叅將宋虎山等

遊擊周士元等

都司申文星等

守備劉承基等

千總王鏞等

把總錢得受等

一土司世職

湖廣容美司宣慰使田旻如

一致仕候補諸臣

吏部尚書馬爾漢戶部尚書凱音布刑部尚書  
安布祿兵部尚書范承勲等

八旗滿洲漢軍近在輦轂致仕候補諸臣人  
數繁多皆與班聯不及備載

吏部尚書宋學徐潮戶部尚書王鴻緒禮部尚  
書許汝霖工部尚書徐元正等

吏部右侍郎仇兆鰲禮部右侍郎田種玉工部  
左侍郎李元振等

內閣學士王之樞顧悅履楊瑄等

大理寺少卿朱廷鉉陳嘉績等

翰林院侍講彭定求

左春坊左諭德秦松齡鄭開極等

左春坊左中允黃夢麟汪士鋐等

右春坊右贊善田成玉尤珍等

原任浙閩總督梁爾

原任福建巡撫宮夢仁

原任廣西蒼梧驛鹽道彭演

一復職諸臣

原任刑部尚書阿山郭世隆

原任吏部侍郎常書李錄子原任戶部侍郎巴

錫原任禮部侍郎戴都里多奇原任刑部侍郎

敦多禮原任工部侍郎彭會洪

原任左副都御史勞之辨

原任左春坊左諭德楊大鶴

原任順天府府丞李法祖

原任御史穆書邁色舒述布鹿賓袁橋

原任郎中金達善索穆爾

原任員外郎黑色里白金塔海范時彥李勲李

起鰲陳懷德

原任主事吳拜

原任奉天府治中吳泰

原任光祿寺署丞邢延

原任太醫院使孫之鼎

原任湖廣總督石文晟喻成龍

原任山東巡撫王國昌原任福建巡撫許嗣興

原任知府王興遠范承訓蔣承繼章文鏞

原任通判趙命任

原任知縣蒲敏政楊起鳳徐秉元沈宗滿

原任都統齊什扎拉克圖

原任一等侍衛烏勒

原任二等侍衛塞勒

原任叅將蘇繼武

原任拖沙喇哈番費雅哈查林

原任防禦綽英額

原任守備張興文

原任驍騎校多奇

原任步軍校薩海

一留京教習諸臣

進士查雲標等

武進士萬國寧等

以上俱在

太和殿前行禮

一外藩陪臣

朝鮮國陪臣議政府右議政金昌集吏曹判書



尹趾仁等

以上在

太和殿前西旁班末處行禮

一各館効力諸臣

武英殿高不騫等

養心殿曹日瑛等

三堂西洋人紀理安蘇霖白晉巴多明等

算法房董泰等

皇興全覽館張位等

子史精華館邱起元等

內官學教習龔克庸等

以上俱在

乾清門前行禮

一在籍諸臣

原任內閣學士兼禮部侍郎宋大業原任都察院左僉都御史王材任原任通政使司右通政

楊篤生原任翰林院侍講錢名世原任翰林院  
編修熊本原任翰林院庶吉士尚彤庭原任禮  
科掌印給事中許志進等

一候補候選諸臣

候補員外郎李維鈞汪錫齡等候選員外郎高  
浚等

一舉人貢監生員諸臣

舉人李長庚等

武舉沈銓等

國子監教習貢生李震宗等

貢生徐國銓等

監生查克宏等

生員胡夢熊等

武生祝兆鰲等

以上俱在

午門前行禮

一直省耆老

直隸老人曹鳳全等共三千二百一十四名

江南老人莊國興等共二百三十六名

浙江老人沈玉揚等共三百七十八名

湖廣老人呂永年等共四十六名

山東老人劉名科等共一百六十一名

山西老人田峻等共九十九名

河南老人蕭冲斗等共二十三名

福建老人張獻福等共二十六名

江西老人吳嵩齡等共三十三名

廣東老人羅科等共二十四名

廣西老人李楨等共四名

陝西老人張席珍等共一十八名

四川老人張德壽

雲南老人吳學文等二名

貴州老人秦毓華

各蒙古老人馬齊克等共九名

一八旗三營馬步兵丁及閒散人等不計其數

一京城內外農工商賈人等不計其數

一各省隨父老入京之子弟不計其數

以上自

午門外至

端門


天安門

欽定四庫全書

萬壽盛典初集  
卷十

十二

大清門前等處行禮



萬壽盛典初集卷十